

سنه لکی در سعادت ایچون مجیدیه
یکرمی غروش حسابله التمش
غروشدر

طشره ایچون پوسته اجرتی اوله رق
اون بش غروش ضم اولنور

نسخه سی ۴۰ پاره در

محرکات

آبونه اولق ایستینلر دائره عدلیه ده
اداره مخصوصه سنه مراجعت
ایتملدر

اعلاناتک بهرندن بر مجیدیه اخذ
ایدیلور

نسخه سی ۴۰ پاره در

هفته ده ایکی دفعه جمعه ایرتسی و چهارشنبه کونلری نشر اولنور. محتویاتی امور عدلیه به متعلقدر

تعیین و تحویل

عدلیه نظارت جلیله سی سبیل احوال مأمورین
قلمی باش میز لکنه قلم مذکور بخبرات قسمی میزی
عزیزلو علی شوکت بک تعیین قلمشدر.

تبلیغات

حسن اغانک متوفی پتره ذمتنده بااعلام محکوم به
آله جنی اولان مبالغت تأمین استحصالی ذمتنده
متوفای مرقومک بر باب خانه سی حیز اوله رق مزرا-
یده به وضع اولنمی اوزرینه فوجیجی نیقوله نام کمنه
طرفندن حاجز علیه اقامه اولنان استحقاق دعوا سی
نتیجه سننده مذکور خانه مرقوم نیقوله ناک ملک
مشترا سی اولدینی تبین ایتدیکنندن حیز موضوعک
فکیله خانه مذکورک کندوسنه تسلیمی متضمن
ویریلان اعلام کسب قطعیت ایتدکن صکره متوفای
مرقوم پتره نک قزی نقو قادی طرفندن اقامه اولنان
دعوی اوزرینه حقوق محکمه سننده مرقوم نیقوله
لهنه شهادتده بولنان دله غروزدان نام شاهدک
نهایت اوتوز یاشنده اولدینی جهته یکرمی اوچ سنه
اول الی یاشنده ایکن وقوعبولان بر بیع وشرای
تخطر ایدیه بجکی درکار اولدیغه نظراً شهادت کاذبه ده
بولندی و مستحق مرقوم نیقوله نک ده مقامات
رسمیه بی اغفال ایلدیکی ثابت اولمغه التیشر ماه مدته
حبس لرینه و مذکور خانه نک کالاول پتره نامه قیدینک
تصیحیحه دائر مناسرت ولایتی مرکز بدایت محکمه سی جزا
دائرة سندن ویریلان حکم استینافاً دخی تصدیق قلمش
اولسنه مبنی مرقوم پتره ورثه سی حکم مذکورک اجراسنی
ومرقوم نیقوله دخی کندوسنک لهنه اوله رق حقوق
محکمه سندن ویریلوب کسب قطعیت ایلش اولان اعلامک
جزا محکمه سنجه ضمناً فسخ ایدلمسی مغایر قانون اولدیغنی
بیان ایتدکه بولنش اولد قلندن بخله استفسار معامله یه دائر
ولایت مذکوره استیناف محکمه سی مدعی عمومیلکنندن
وقوعبولان اشعار اوزرینه، منازع فیه خانه نک مستحق

مرقوم نیقوله نامه تصحیح قیدینه دائر بالمحاکمه
حقوق محکمه سنجه ویریلان حکم کسب قطعیت ایدرک
مقتضای دخی تنفید واجرا قلمش اولدقن صکره
محکمه مذکوره ده شهادت کاذبه ده بولنان شاهد
علیهن جزا محکمه سننده اقامه اولنان حقوق عمومیه
دعواسنک ثبوتی حالنده مظنون علیهک تحدید جزا-
سیله برابر بونک ذمتنده کی حقوق شخصی به دخی
حکم ایدیه بجکی درکار ایدیه ده بومسئله مشهود علیهک
حقوق شخصی سی شهادت کاذبه دن متولد ضرر و زیان
وتضمناتدن عبارت وتضمنی خصوصی ایسه انحق
ارتکاب کذب ایلش اولان شاهده راجع اولوب
مشهود لهک حکم حاکمه مؤید بولنان حقوق تصر-
فیه سنه تجاوز ایدیه به جکته نظراً محکمه جزایه به
حقوق اعلامنک حکمنی ضمناً فسخ اینک دیمک اولان
مذکور خانه نک مدعی شخصی عهده سنه اجرای
قیدینه تجاوزله بر منوال محرر اعطای حکم ایدلمسی
صلاحیت و مأذونیت نظامیه خارجنده اولدینی جهته
مذکور جزا محکمه سی اعلامنک بو جهته عائد فقره
حکمی سی قابل اجرا اولدیغه بناءً محلیه اکا کوره
معامله اجراسی لازم کله جکی انجمن عدلیه افاده سیله
مذکور مدعی عمومیلکه جواباً تبلیغ قلمشدر.

محاکمات و مقررات

ارطغرل سنجانی بدایت محکمه سی جزا دائره سی
رئیس سابق عبدالرحمن افندینک اوراق انفصالیه
ومدافعه نامه سی انجمن انتخاب مأمورین عدلیه به
لدى التدقیق جواز استیخدا منه قرار ویرلمشدر.

محکمه تمیز حقوق دائره سندن ۲ کانون ثانی
سنه ۳۱۷ تاریخیه تنظیم واعطا قلنان اعلامدر:
انقره دیون عمومیه اداره سیله انقره نک کازور
علی محله سننده مقیم قره صول اوغلی پنا یوط افندی
بیننده متحدث دعوا به دائر انقره استیناف محکمه سندن
۲۱ حزیران سنه ۳۱۷ تاریخیه ویدی عددی ایله لاحق

اولان اعلام اداره مذکوره جانبندن تمیز اولمغه
اعلام مذکور باش مدعی عمومیلک مأموریت به سنک
مطالع نامه سیله برلشدیریلرک طرفینک اعتراض
وجواب لایحه لرله بالمطالعہ تدقیقات تمیزیه اجراسنه
ابتدار قلندی.

اعلام مذکورک خلاصه مالی اعشار ملزملرندن
میخالاکینک اعشار بدلندن طولای دیون عمومیه
اداره سنه بورجی اولان الی اوچ بیک طقوز یوز
کسور غروشک کفیلی بولنان قره صول اوغلی
پنا یوطدن تحصیلی واموالنه موضوع حیزک تصدیقی
حقننده دیون عمومیه اداره سنک انقره بدایت محکمه سنه
بالمراجعه اقامه ایلدیکی دعوی اوزرینه عقد واقع
حواله دن منبعث اولوب مدعا بهک تأمین استیفاسی
ذمتنده محیل میخالاکینک خانه سی فروخت ومعاشی
حیز ایتدیرلمش اولنمی عقد حواله نک رضاء فسخی
مستلزم اولمغه بوبابده محال علیه قره صول پنا یوط
افندی به مراجعت دیون عمومیه نک صلاحیتی اوله میه-
جغندن دعوی واقع نک ردینه و حیز موضوعک
فکته دائر ویریلان اعلام ابتدائینک عند الاستیناف
تصدیقیه حکمدن و مستدعی تمیز دیون عمومیه
اداره سنک اشبو حکم علیه نده لایحه سننده محرر
اعتراضاتنک باشلوجه سی مبلغ مدعا بهک جهت کفالتدن
ادعا اولدینی حالده محکمه بدایتجه جهت مذکوره یه
حواله نامی ویرلمسی وبالقرض جهت حواله دن ادعا
اولدینی تسلیم اولنسه بیله محال له بولنان دیون
عمومیه اداره سنک محیل میخالاک کی عاپنده تعقیباتده
بولنمی عقد واقعک فسخ وابطالنه سبب مشروع
اولیه رق محال علیه مومی الیه پنا یوط افندیدن مبلغ
مدعا به مذکوری طلب واخذ صلاحیتی اخلال
ایدیه بجکی امر آشکار ایکن بدایت محکمه سنجه
بونقاط قانونیه دن ذهول ایدلمش اولنمی حکم
ابتدائینک فسخی موجب احوال دن ایکن استیناف
محکمه سنجه اعلام ابتدائینک تصدیقه قرار ویرلمسی
مغایر قانون اولدیغندن بخله اعلامک تقضی استدعاسندن
ولایحه جوابیه مؤداسی دخی غیر وارد اولان

و قتل مذکورک بالنازعہ صدورى اکلالمش ايکن خطاء اتلاف نفس ايدنلر حقندہ کی مادۀ قانونيهہ تطبيق جزا ايدلسى وسيدشيدک دیکر برمادۀ چنائيه دن طولاني اون سنہ مدتلہ محکوم اولمسنہ نظراً حقندہ تداخل جزا قاعدہ سنک تطبيقاندن ذھول اولمسی قانونہ مغایر وشائسہ غرض وسجاحتی شعر کورلش اولمغلہ اصول محاکات جزائیه قانوننک اوچوز قرق بدنجی مادہ سنہ وعدلیہ نظارت جلیہ سنک ۲۱ مایس سنہ ۳۱۷ تاریخى ویکرمی اوچ نومرولى امر تحریرسینہ توقیفاً اعلام مذکورک نقضی زومى اخبار قلنمشدر .

تدقیقات تمیزیه اجرا اولندقدہ نظارت جلیہ نک امر تحریرسینہ توقیفاً تبلیغامہ دہ بروجه محرر درمیان اولنسان اعتراضات مندرجات اعلامہ نظراً وارد ومستلزم نقض اسبابہ مستند بولندیغہ بناءً اصول محاکات جزائیه قانوننک اوچوز قرق بدنجی مادہ سی موجبنجہ اعلام مذکورک نقضہ وایک یوز غروش اعلام تمیز خرچنک تحصیلہ ۲۵ تشرین اول سنہ ۳۱۷ تاریخندہ قرار ویرلدى .

موصل قصبہ سنک باب المسجد محلہ سی اھالیسندن الیاس بن حاجی جرجیسک اوطنہ سی آچہ ررق آلت مخصوصہ استعمالیہ نقودى سرق و تحقیقات انسانندہ قومیسر وکیل نامق بکہ رشوت اعطاسنہ جرأت ایلدکری ادعا اولمسندن دولای جنایتلہ اتھام اولنان حاجی قنچى محمد و یحیایک بشر ومصطفایک الی سنہ مدتله کورک قولنلرینہ دأر موصل ولایتی استیناف محکمہ سی جزا دائرہ سندن ویریلان درتیوز الی دوت نومرولى اعلام محکمہ تمیز جزا دائرہ سنجہ تصدیق اولمشدر .

اسکوبک رحمانی قریہ سندن قورتش بن عبدولک مادۀ قتلدن دولای جنایتلہ اتھام اولنان امین بن آتیک اشاع جرمده هنوز اون دوت یاشندہ بولمسندن ناشی مستحق اولدینى اون بش سنہ کورک جزاسنک لئی اولان بش سنہ مدتلہ کورک قولنسنہ دائر قوصوہ ولایتی استیناف محکمہ سی جزا دائرہ سندن ویریلان یکرمی سکزر نومرولى اعلام محکمہ تمیز جزا دائرہ سنجہ تصدیق اولمشدر .

اوج کلیسا قریہ سندنہ مقیم حسین بن محمدی جرح و قتل ایلدیکى ادعا اولمسندن دولای جنایتلہ اتھام اولنان قریہ مرقومہ لى احمد بن طورمشک نابالغ مراحق اولمسندن ناشی بش سنہ مدتلہ کورک قولنسنہ دأر قونیہ ولایتی استیناف محکمہ سی جزا دائرہ سندن ویریلان یوز او تونوز بش نومرولى اعلام محکمہ تمیز

جزا دائرہ سنجہ تصدیق اولمشدر .

ارکلی ناحیہ سی اھالیسندن کامل اغانک خانہ سنہ دیوار آشہرق بالدخول فعل سرقہ تصدى ایلدیکى ادعا اولمسندن دولای جنایتلہ اتھام اولنان قسطندى ولد طودورنک اوج سنہ مدتلہ کورک قولنسنہ دأر تکفور طاغی سنجائی بدایت محکمہ سی جزا دائرہ سندن ویریلان درتیوز التمش نومرولى اعلام محکمہ تمیز جزا دائرہ سنجہ تصدیق اولمشدر .

چهارشنبه قضاسنک جای محلہ سی اھالیسندن بقال طاهر افندینک دکانی کسکلر نی کیجہ لین بالطہ ایلہ سوکدرک بالدخول نقود واشیاسی سرقہ اتیمسندن دولای جنایتلہ اتھام اولنان اوراھام ولد قرہ بتک اوج سنہ مدتلہ کورک قولنسنہ دائر جنایک سنجائی بدایت محکمہ سی جزا دائرہ سندن ویریلان اوچوز طقسان بر نومرولى اعلام محکمہ تمیز جزا دائرہ سنجہ تصدیق اولمشدر .

اسکدار ناحیہ سی داخلندہ قادین قریہ سی اھالیسندن کیچو ولد دیمترنک مادۀ قتلدن دولای جنایتلہ اتھام اولنان قریہ مذکورہ لى آدون ولد واسیک اون بش سنہ مدتلہ کورک قولنسنہ دأر ادرنہ ولایتی استیناف محکمہ سی جزا دائرہ سندن ویریلان یوز سکزر نومرولى اعلام محکمہ تمیز جزا دائرہ سنجہ تصدیق اولمشدر .

اسپارتلی قنچی زاده احمدشکری افندی ی قتل اتیمسندن دولای جنایتلہ اتھام اولنان قونیہ مدہ مقیم محمود اوغلی علی خسانک اون بش سنہ مدتلہ کورک قولنسنہ دأر قونیہ ولایتی استیناف محکمہ سی جزا دائرہ سندن اعطا قلنان ۴۷۷ نومرولى اعلام محکمہ تمیز جزا دائرہ سنجہ تصدیق اولمشدر .

شامک صالحیہ محلہ سی سکھ سندن زینب بنت احمد الوادی وسائرہ نک خانہ لرینہ بالدخول اشیا وامتہ سنہ سرق ایلدیکى ادعا قلنمشندن دولای جنایتلہ اتھام اولنان محمود بن احمد کرى وعبداء بن احمد کرى واورفلى حدون علی الوارى وعلی بن عمرک اوچرسنہ مدتله کورک قولنلرینہ دائر سوریه ولایتی استیناف محکمہ سی جزا دائرہ سندن ویریلان ۲۶ مارت سنہ ۳۱۷ تاریخى اعلام محکمہ تمیز جزا دائرہ سنجہ تصدیق اولمشدر .

جمہ قضاسنک قرمشہ قریہ سندن محمد بن ذینک

کیفیت قتلندن دولای جنایتلہ اتھام اولنان قریہ مذکورہ لى رضوان بن طاهرک اون بش سنہ مدتلہ کورک قولنسنہ دأر سرفیجہ سنجائی بدایت محکمہ سی جزا دائرہ سندن ایکنجی دفعہ اولہرق ویریلان اوچوز سکزر نومرولى اعلام محکمہ تمیز جزا دائرہ سنجہ تصدیق اولمشدر .

کیفل قریہ سندنہ دیمترنک قتلدن طولانی مہم بولنسان بنایوط ولد انسٹاشک اجرا قلنان محاکمہ علیہ سی نتیجہ سندنہ مرقومک برسب مجھول اوزرینہ فعل قتل مذکورى من غیر تاعد ایقاع ایلدیکى کندو- سنک روش افادای وراپورلر مندرجاییلہ ثابت اولدیندن اول وجهلہ مجرمیتہ وقانون جزانک یوز التمش دردنچى مادہ سنک فقرہ اولاسی حکمتہ توقیفاً اون بش سنہ مدتلہ کورک قولنسنہ ۸ شباط سنہ ۳۱۸ تاریخندہ محکمہ جنایتجہ قرار ویرلشد .

یازمق قودہ قہوہ سی آراھامک ومقراصجیلردہ قوندردہ جى میخالک دکانلرندن وچهارشنبه دہ حاجہ نظیرہ خاتمک خانہ سندن ویمہ سی اوستہ نک دکانندن سرقہ مجاسرت ایلدیکى ادعاسیلہ مہم بولنسان احمد بن ابراھم حقندہ اجرا قلنان محاکمہ نتیجہ سندنہ مرقومک عبدی اوستہ نک دکانندن ماعدا وقوعبولان سرقہ فعالمردنہ مدخلی اولدینى اکلاشیلہ مدینغندن برائتہ فقط مرقوم عبدی اوستہ نک دکانندن فس قالی سرقہ ایلدیکى کندوسنک صورت افادہ سی وشاهدلرک شهادتی ایلہ ثابت اولدینغندن مذکور سرق فعلنک فاعلی اولدینغہ وقانون جزانک ایکی یوز او تونوزنجی مادہ سی حکمتہ توقیفاً تقدیر ایدیلان الی ماہ مدت حبس جزاسی مکرر اولسی حبسیلہ قانون مذکورک سکرنجی مادہ سی موجبنجہ بالتضعیف برسنہ مدتلہ حبسنہ وضابطہ جہ کفالت آلتہ آلتسنہ ۱۳ شباط سنہ ۱۳۱۸ تاریخندہ محکمہ جنایتجہ قرار ویرلشد .

حریق فعلیلہ مہم بولنان یانیلی بقال خرستو ویرادری یانی حقنلرندہ اجرا قلنان محاکمہ نتیجہ سندنہ مرقوماندن خرستونک بقال دکانی سیغورطہ بدلدن استفاده امیلہ قصداً احراقہ تصدى ایتدیکى حالہ اسباب مانعہ حیولتیلہ مادۀ حریق فعلہ جیقارہ مدینى اخبارادن متحصّل دلائل وامارات وصورت افادہ سی ایلہ ثابت اولدینغندن اول وجهلہ مجرمیتہ وقانون جزانک یوز التمش دردنچى مادہ سنک فقرہ اخیرسنہ توقیفاً اوج سنہ مدتلہ کورک قولنسنہ و دیگر مہم یانیک فعل مذکورہ مشارکى اکلاشیلہ

مدینغندن آنک دخی برائتہ ۱۳ شباط سنہ ۳۱۸ تاریخندہ محکمہ جنایتجہ قرار ویرلشد .

فسخانہ عامرہ عملہ سندن احمدی ضرب ایدن ایرانی علی حیدر وحسین جریدن بر لیرا آلہرق مضروبہ ویرلسنہ

داود یاشالی عایشہ خاتمک خیرہ خانى ضرب ایلدیکى ثابت اولدینغندن بر لیرا آلہرق مضروبہ ویرلسنہ

طوبخانہ دہ اتمکجی فروندنہ مقیم پتروک سودجی قوجویہ اطالہ لسان ایلدیکى اکلاشلیغندن بش کون حبسنہ

المانی دولتی تبعہ سندن موسیو قارلوهوشتایک کوچک یکى خاندن اشیاسی سرق ایدن قہوہ جى مصطفایک اوج آی حبسنہ

یکدیگرى ضرب ایدن آغوب ایلہ یاسفک برر ہفتہ حبسلرینہ

باغجہ قبوسندہ فوطوغرافجی وافیادی یی ضرب ایدن آدونایک ہفتہ حبسنہ

تختہ قلعدہ ساکنہ ماریہ قادینی ضرب ایدن یورداندن بر آلتون آلہرق مضروبہ ویرلسنہ

یکدیگرى ضرب ایدن مرجان قوشندہ بقال استفان ایلہ خاصکیدہ مقیم حسن اغانک برر ہفتہ حبسلرینہ

تقوہات لسانیہ جرأت اتیمسندن دولای مظنون علیہ اولان نفوس ادارہ عمومیہ سی کتبہ سندن آستانہ لى عونى افندینک فعل مذکورہ جرأتی ثابت اولدینغندن بش آی مدتلہ حبسنہ

قاربوزجى علیک میقائلی ضرب ایتدیکى اکلا- شلایغندن برلیرا آلہرق مضروبہ ویرلسنہ

فشکجی اوستہ سی محمدک پولیس عثمان افندی یی تحقیر ایتدیکى ومومى الی عثمان افندینک دخی مرقومى اجرای وظیفہ حالندہ ضرب ایلدیکى ثابت اولدینغندن عثمان افندینک ہرہفتہ حبسنہ ومحمددن ایکی لیرا جزای نقدی آلتسنہ

قرہ جہ احمددہ ساکن آراہجی حسنک بواجی محمدی جرح ایلدیکى ثابت اولدینغندن اون بش کون حبسنہ

یکدیگرى ضرب ایدن احسانیلہ احمد افندینک اون کون و حمدی افندینک ہرہفتہ حبسلرینہ

پارطولیدینک پارہ چانطہ سی اخذایدن حیدرپاشا لیمانی ریختمندہ تیمورجى یونان دولتی تبعہ سندن علقونک اوج آی حبسنہ و ختام مدیندہ ضابطہ جہ کفالت آلتہ آلتسنہ

خرستوی ضرب و جرح ایدن یونان دولتی تبعہ سندن قسطنیک اون کون حبسنہ

دیوارجی طنائی ضرب و جرح ایدن قاضی کوبندہ ساکن یونان دولتی تبعہ سندن صوباجی بقاووزدن برلیرا آلہرق مضروبہ اعطاسنہ

صوباجی یاقوی ضرب ایدن قوزغنجقدہ ساکن قہوہ جى رایتدن ایکی لیرا آلہرق مضروبہ ویرلسنہ

علی چاوشک لیلآ خانہ سندن چیزمہ وپوتیلرینى سرق ایدن مینانک بریق سنہ حبسنہ درسعات ، بلک اوغلی واسکدار بدایت محکمہ لری جزا دائرہ لرچہ قرار ویرلشد .

مخبريات انتباهيه

آق طاغ معدنی قضاسی نائی و بدایت محکمہ سی رئیس خلیل حشمت افندینک بالاسب قانونی موادعادیہ مظنونلرینى توقیف ایتدیردیکى انقرہ ولایتی استیناف محکمہ سی مدعی عمومیکجہ اجرا قلنان تحقیقات مندرجاندن اکلاشلیغندن بوبادہ علاقہ دار اولان سائرلى حقندہ دخی تعقیبات قانونیہ ایفا اولنق اوزرہ رئیس مومى الیک محاکمہ آلتہ آلتسنہ عدلیہ نظارت جلیہ سندن مأذونیت ویرلہ رک محلہ تبلیغات مقتضیہ ایفا و طرف عالی مشیختپناهیہ دخی معلومات اعطا اولمشدر .

اعلانات

درسعات استیناف مدعی عمربلکسنہ :

اوچوز اون سکزر سنہ سی تموزنک بشنجی کونی مالئہ دہ کائن علی بکک متصرف اولدینى دکاندہ بقاللق ایدن انسٹاشی جرح و قتل ایلدیکى ادعاسیلہ مہم بولنان اورتہ بوبلی اسمر بکری سیبہ صاج وقاشلی وقرال بیقلی اولوب عن اصل ماط قضاسنک لیس قریہ سندنہ واقع فوقہ محلہ سی اھالیسندن یکرمی الی یاشندہ ابراھم بن یونس حقندہ اصول محاکات جزائیه قانوننک اوچوز تیش برنجی مادہ سی موجبنجہ معاملہ مقتضیہ ایفا ومحاکمہ غیابیہ سی بالاجرا نتیجہ سندنہ قانون جزانک یوز تیش دردنچى مادہ سنک فقرہ اولاسنہ توقیفاً اون بش سنہ مدتلہ کورک قولنسنہ و اوتونوز برنجی مادۀ قانونیہ منظوقجہ حقوق مدنیہ دن اسقاط ایدلمسنہ ومقدما اعلان ایدیلان قرار نامہ وجهلہ اموالنک اداره ایتدیرلسنہ محکمہ جنایتدن حکم اولمش واصل محاکات جزائیه

قانوننك اوچيوز يتمش بدنجي واوچيوز يتمش سكرنجي واوچيوز سكسان برنجي ماده لريله مواد سائره سی احكامنه توفيق معامله اولمسی مرجعه بيلديرلمش اولمغه ذكر اولنان اوچيوز يتمش سكرنجي ماده نك جمله احكامندن اولديني اوزره اعلان كفيته ابتدار قلندی .

ايكنجي تجارت محكمه سنده :

غلطه ده خندك باشنده بنواكليسای عقاراتنده مقيم مطبعه جی اونيك حلبليانك ۱۰ شباط سنه ۳۱۸ تاريخندن اعتباراً اعلان افلاسنه ومصالح افلاسيه نك رؤيت وتسويه سی ضمنده اعضای محكمه دن سعادتلو جميل بكك ژورقومي سرودعوی وكيللرندن سمیوناكی والاسی وحسروفيان افديلرك موقت سنديك تعيينلرينه ومغازه سنده موجود اموال تجاريه سيله اشياى زائده بيتيه سنك تمهیرينه واوراق ودفاترينك جلبه وكفالت مصدقه ارانه ايدمهديكي تقدیرده حبس وتوقيفه وبو باده كي قرارك موقتاً اجراسنه ايكنجي تجارت محكمه سندن قرار ويرلمش اولديغندن قانوننامه تجارتك ۱۷۰ نجی ماده سی موجبجه دائمی سنديكلر انتخاب اولمق اوزره اشبو اوچيوز اون سكر سنه سی شباطنك يكرمی ايكنجي جمعه ايرتسی كونی ساعت يدي راده لرنده اصحاب مطلوبك محكمه مذكوره نك افلاس اوطنه سنه كللری اعلان اولنور .

بالق بازارنده توتون كمرکنده كائن مغازه ده مقيم مسكرات تاجری یوان ترغانينك ۱۳ شباط سنه ۳۱۸ تاريخندن اعتباراً اعلان افلاسنه ومصالح افلاسيه نك رؤيت وتسويه سی ضمنده اعضا ملازمی عزتلو يانقو افدينسك ژور قوميسر وشابجي خاننده تجارندن مينايادوبلونك موقت سنديك تعيينلرينه ومغازه سيله اشياى زائده بيتيه سنك تمهیرينه واوراق ودفاترينك جلبه وبو باده كي قرارك موقتاً اجراسنه ايكنجي تجارت محكمه سندن قرار ويرلمش اولديغندن قانوننامه تجارتك ۱۷۰ نجی ماده سی موجبجه دائمی سنديكلر انتخاب اولمق اوزره [۱ مارت سنه ۳۱۹] جمعه ايرتسی كونی ساعت يدي راده لرنده اصحاب مطلوبك محكمه مذكوره نك افلاس اوطنه سنه كللری لزومی اعلان اولنور .

بك اوغلنده طوغری يولده ۳۵۴ نومروده ساكن ايكن ايكنجي محكمه تجارتندن افلاسنه حكم اولمش اولان تجارندن ترزی اونيك صارايان افدينك خصوصات افلاسيه نك رؤيت وتسويه سی ضمنده دعوی وكيللرندن واسيلاكی وترجانيان اونيسك

افنديلر اصالة سنديك تعيين قلمش اولدقارندن مفلس مرقوم ذمتنده آله جنی اولنسلرك قانوننامه تجارتك ۱۹۹ و ۲۰۰ نجی ماده لری موجبجه تحقيق ديون ايچون تاريخ اعلاندن اعتباراً يكرمی بر كون ظرفنده سنداتی محكمه كاتبه تسليم ايللری ومدت مذكوره ختامندن صكره اوچ كونده يعنی ۳۱۹ سنه سی مارتنك ۳ نجی بازار ايرتسی ۴ نجی صالی و ۵ نجی چهارشنبه كونلرنده ايكنجي محكمه تجارتك افلاس اوطنه سنه كلرك سنديك افنديلر مواجهه سنده آله جقلرينی اثبات وقيد وتصديق اينديرملری ومدت مذكوره ده اثبات وجود ايدمه میان آله جقلولر حقنده قانون مذكورك ۲۱۰ نجی ماده سنه توفيقاً ايفای معامله اولنه جنی اعلان اولنور .

سافز بديت محكمه سی تجارت قسمنده :

سافز جزيه سی اهالیسندن وتجارندن يانی قوفودا كينك سافز اهالیسندن وتجارندن يانی مليادی عليه اقامه ايلديكي آلاچق دعواسی اوزرينه تنظيم اولنان دعوتيه ورقه سی مباشر معرفتيله مرقوم مليادينك مقيم بولنديني اقامتكاهنه لاجل التبليغ كوندرلمش ايسه ده مدعی عليه مرقوم يانی مليادی بولنه مديغندن محله سی مختاری طرفندن دعوتيه ورقه سی ظهیرينه ويربلان شرحد معائله ديار آخرده اولوب اقامتكاهی مجهول بولنديني تصديق قلمش ومدعی ايسه اقامتكاهی مجهول اولديغندن بحثله ايجاب قانونيسنك اجراسنی طلب ايلش واشبودعوانك رؤيتی اوچيوز اون طقوزسنه سی نيساننك بشنجی جمعه ايرتسی كونه قرارلشديريله رق تنظيم قلنان دعوتيه ورقه سی اصول محاكمه حقوقيه قانوننك يكرمی التجی ماده سی حكمه توفيقاً محكمه ديوانخانه سنه تعليق ايدلمش اولمغه يوم مذكوره بالذات ويا بالوكاله محكمه به مراجعتی لازم كه چكي وعكسی تقدیرده معامله قانونيه اجرا اولنه جنی معلوم اولق اوزره غزته لر ايله دخی اعلان كفيته ابتدار اولندی .

محكمه تجارت اجرا داره سنده :

يوركي ميخائلك استليانوس ذمتنده ايكنجي محكمه تجارت اعلاميله محكوم به اولان آلاچغنك تسويه سی ايچون مديون مرقومك فری قريه سنده فريديه جاده سنده واقع فوقانی ايكي اوطنه وبر صفه وتحتنده يوز يدي نومروولی شهری يوز قرق غروش ايجار كتورير بقال دكاني وآرقه طرفنده بر مقدار باغچه يي مشتمل متصرف اولديني يوز بش نومروولی خانه بوندن اقدم موقع مزايده به قونيله رق عثمانلی ليراسی يوز غروش حسابيله بشيك ايكیوز غروشده طالبی

عهده سنده قلمش و تاريخ اعلاندن اعتباراً اوتوز بر كونده يعنی كله جك مارت رومينك يكرمی ايكنجي جمعه ايرتسی كونی ساعت اون قدر يوزده بش ضم قبول اولمسی و ذكر اولنان يوم وساعته صوك مزايده سی بالاجرا قرار قطعیسی ويريله رك طالبی عهده سنده كچورلمسی مقرر بولمش اولديغندن و آندن صكره هر نه ضم وقوعبولور ايسه قبول اولميه جغندن مع مشتملات مذكور خانه يه يوزده بش ضمیله طالب اولنرك ودها زياده معلومات المق ايستينلرك مدت مذكوره طرفنده بدل مزايده نك عشرينه مساوی بی آچه سيله برابر محكمه تجارت اجرا دائره سنه مراجعت ايللری ويوم ووقت مزبورده مذكور خانه پيشكاهنده مأموری مواجهه سنده حاضر بولملری دائره مذكوره دن اعلان اولنور .

اعلامات نظاميه اجرا داره سنده :

عدد	آينه	عدد
۳	دوكمه شمعدان	۱
۱	فانوس	۱
۲	سجاده	۷
۱	قيريق مستعمل قواصول	۱
۳	مع طاش	۳
۱	مستعمل كلیم	۱
۱	صغير آينه	

اغيانك بدوساکی يكي دنيا ذمتنده بااعلام نظامی آلاچنی اولان مبالغ معلومه نك تأمين استيفاسیچون حجز اولنان بالاده مذكوراشيانك تاريخ اعلاندن اعتباراً اوچ كون صكره يعنی شباطك اون طقوزنجی چهارشنبه كونی ساعت بش راده لرنده چارشوی كير اتصاننده واقع يول كچن خاننده بالمزايده فروخت اولنه جنی درساعات اعلامات نظاميه اجرا دائره سندن اعلان اولنور .

محتاج بديت محكمه سی اجرا داره سنده :

قومی اوغلی ديمتري نك استاوراکی اسپروپولوس چورباچی به بااعلام محكوم اولديني مبالغ معلومه نك تأمين استيفاسی ايچون مديون مرقومك چتالجه قصبه سنك روم محله سنده كائن معلوم الحدود بر باب خانه نك يوز التمش سكر سهم اعتباريله متصرف اولديني التمش درت سهمك حجزی قرارلشديرلمش وسهم مذكورك اون بش كون صكره مزايده به وضعی مقرر بولمش اولديغندن طالب اولانلرك چتالجه بديت محكمه سی اجرا دائره سنه مراجعت ايللری اعلان اولنور .